

Karta ofissial di Prezidenti di Kamâra (*Mayor*)

Pa konservâ Boston Forti y Seguru

Es anu, nos sidadi ten passadu pa dezafius inkrível y N ten un gratidon profundu pa forsa, rezistênsia y generozidadi ki komunidadadi di Boston ten mostradu. Nos prioridadi stâ, y ta kontinuâ ta stâ, na garanti saúdi y seguransa di tudu rezidentis. Sima nu sta kuazi na tenpu di outonu, nu ta kontinuâ ta sigi dadus di informason konpiladu pa siênsia y pa saúdi públika; nu ta kontinuâ ta fazê sforsus proativus pa prevenson y kontrolu di es virus, atraves di testis, trabadju di divulgason informativu, ku rekursus y ku informason na txeu línguas y formatus.

Nu mestê pa tudu algén sta alerta y vijilanti. Nu mestê pa tudu algén fazê sê parti. Nu ta pidi pur favor pa nhôs tomâ tudu mididas di kuidadus pa nhôs, y pa tudu algén, podê kontinuâ seguru, pa nhôs tapâ kara, labâ mon tudu ora, sigi rekomendason pa distânsia sossial (djuntu di otus pessoas) y pa nhôs ivitâ reunions/ajuntamentus ku txeu pessoas.

Es outonu ta ser diferenti di kualker otu outonu ma alguns kuzas ta ser igual. Nos sidadi inda é forti, xeiu di pasênsia y ligasons. Dianti di es dezafiu, nu ta kontinuâ ta mostrâ ki nos é *Boston Strong*.

Pa kes pessoas ki sta sinti izoladu o sustadu, N krê pa nhôs sabê ki Munissípiu/Sidadi di Boston sta li pa djudâ nhôs. Nu ta pensâ na nhôs tudu ora y nu sta fazê tudu ki nu podê pa nu djudâ y protejê nhôs. Pertu di fin di es mês li, un grupu txomadu *AARP Massachusetts Task Force to End Loneliness & Build Community* (ekipi di trabadju formadu pa AARP pa Kabâ ku Solidon & Lebantâ Komunidadadi) ta ben lansâ un kanpanha txomadu #ReachOutMA, ki N ten orgulhu di ser ses porta-voz, pa dixâ tudu algén sabê ki es ka sta es só. N ta insentivâ tudu algén

pa djobê kunpanheru ku regularidadi. Tudu nos ten kapassidadi pa deskubri maneras kriativu di ser bons vizinhos, sima flâ mantenha, kuzinhâ pa mas un pessoa, o skrebê un bilheti. Nu ta kontinuâ ta insentivâ menbrus di nos komunidadi pa djudâ na formason di ligasons pa tudu algén ten ajuda ki es mestê. Nu sta tudu li, djuntu na mesmu barku, Boston. N ta gradissê kolaborason y forsa di nhos tudu duranti es tenpu di difikuldadi.

Sinseramenti,

-Mayor Martin J. Walsh